

大清會典

兵部



大清會典

兵部

職方清吏司



○凡八旗官兵皆訓以騎射。

八旗驍騎營及前鋒營護軍營三旗

親軍營下五旗王公屬下官兵一體皆習騎射。

火器雲梯水戰各以專

營習之。

內火器營習鳥鎗習放子母礮外火器營習鳥鎗習水戰健銳營習雲梯鳥鎗

兼習水戰仍各習騎射。

漢軍則藤牌連韃鹿角與火器並

習焉。

漢軍驍騎營除習騎射外並習放鳥鎗各種礮習藤牌連韃及昇鹿角列陣皆

以詩簡閱。

八旗簡閱之制。每年秋季。由部傳行。各於本旗教場操演二次。再八旗分

為二班。於兩黃旗教場操演一次。再八旗會合。於仰山窪操演一次。合操之制。各旗營大臣。皆

入隊領兵操演。由閱兵大臣查閱。其列陣與。大閱同。如遇。大閱之年。則停止合操。

駐防亦如之。

駐防兵各按該處情形。隨時演習。合操騎射。與京師同。並各選兵

數百名演習雲梯。其駐防水師營練習水戰。均。擇天氣晴和。潮平風正之日。乘艦列陣演試。如

遇停操之日。各督率官兵講習水務。駐防將軍。副都統。城守尉。遇所屬官兵操演。俱令親閱。

盛京。吉林。黑龍江將軍。副都統。令於辦事之暇。仍親往閱操。寶坻。滄州。東安。采育。保定。固安。雄

縣。良鄉。霸州。九處駐防。分左右翼。由部以護軍統領。副都統職名開列。欽派二人。三年一

次查閱。綠營亦如之。綠營訓習弓箭。烏鎗。藤牌。長矛。雲梯等技。其水師則習水

戰。總兵於所轄各營歲一閱。提督於所轄及節制各標營。視地方遠近。或歲一閱。或間歲一閱。

或三歲一閱。各以出巡回任日期。及所閱營伍。整飭廢弛情形具題。其鎗箭中把。皆分別等次

造冊送部。臺灣營伍。由將軍。總督。巡撫。及水師。陸路兩提督輪往巡閱。事竣具奏。各省復定為

分年查閱之法。由部開列領侍衛內大臣。都統。及滿洲大學士。尚書。侍郎。奏請。欽派。直隸

山西一人。陝西四川一人。甘肅一人。為一年。湖北湖南一人。雲南貴州一人。為一年。福建浙江

一人。廣東廣西一人。為一年。山東河南一人。江蘇安徽江西一人。為一年。四年而徧。或即令該

總督巡撫查閱。並候 欽定。其奉 旨總督巡撫查閱者。除山東山西河南三省巡撫遵

旨查閱外。其有總督省分。歸總督辦理。總督與巡撫隔省。一時難於徧歷者。會商請

旨。提督查閱之年。總兵停止查閱。總督巡撫查閱之年。提督總兵停止查閱。如 欽派大臣

查閱。則總督巡撫提督總兵並停止查閱。誠以軍令 營兵平時。皆令講習軍令。務使

將弁時時指導。兵丁人人通曉。雍正九年。世宗憲皇帝命將從前行軍規制。酌定條約。

頒刻通行。為軍令四十條。一戰陣之際。聽掌號擊鼓。鳴金為進。止。聞鼓不進。聞金不止者。斬。一

遇敵進戰。有回顧畏縮。交頭接額。私語者。斬。一專司掌號擊鼓。鳴金之人。聞令即掌號擊鼓。鳴金。令止即止。違者。八旗兵鞭四十。綠旗兵棍責三十。臨陣時違令者。斬。一大將軍密傳軍令。轉

傳之人。私自增減要言。併將疑似法令。添造者。斬。一大將軍授緊密軍令。其人私告他人。以致

宣揚誤事者。斬。一官兵殺傷良人。冒功者。斬。一將他人戰功。冒為己功。及誑稱實在効力。將無

作有。以輕報重者。斬。一沿途欺壓民番。恃強買賣。掠財物。毀房屋。姦婦女者。皆斬。一指稱夢見

鬼神。造言惑眾者。斬。一兵丁中途染病。該管委署護軍校。領催。紅旗管隊。同護軍校。驍騎校。千

總。總。驗。確。稟。明。該。管。官。令。醫。調。治。如。不。驗。看醫治。委署護軍校。領催。鞭五十。紅旗管隊。棍責

總。總。驗。確。稟。明。該。管。官。令。醫。調。治。如。不。驗。看醫治。委署護軍校。領催。鞭五十。紅旗管隊。棍責

四十。護軍校。驍騎校。千總。把總。插箭。如兵丁詐病偷安者。斬。一大將軍與同官密議軍情。有私行竊聽者。斬。一差往探聽形勢之人。畏縮不佳。詭稱已去。及探聽不實。貽誤軍機者。斬。一收獲逸馬。隱匿私乘。不給還馬主者。八旗兵鞭五十。綠旗兵棍責四十。仍插箭遊營。有獲馬私宰。或售與他人者。皆斬。一臨陣竊馬潛逃者。斬。梟首示衆。在劄營地方犯者。八旗兵鞭一百。綠旗兵棍責八十。一劄營地方輪班生卡。嚴肅訪查。夜遇緊急。即遞稟申報。設備以俟。有驚怖喧譁。擾動散走。以致亂營者。斬。一私語嗟怨。長吁短嘆者。八旗兵鞭七十。綠旗兵棍責六十。責後復犯。並臨陣時故違者。斬。一黑夜無故驚呼疾走。致亂營伍者。斬。白晝犯者。八旗兵鞭五十。綠旗兵

棍責四十。一面承該管官諭令。辭色傲慢者。八旗兵鞭五十。綠旗兵棍責四十。有意抗違。致誤軍機者。斬。一疎防失火。燒毀草廠者。八旗兵鞭一百。綠旗兵棍責八十。如係對敵要地失火。燒毀者。斬。一失火致燒衣服器械者。八旗兵鞭五十。綠旗兵棍責四十。如係存貯火藥地方失火者。八旗兵鞭一百。綠旗兵棍責八十。該管護軍校。驍騎校。千總。把總。委署護軍校。領催。紅旗管隊。皆插箭遊營。臨陣時軍營失火。以致誤事者。兵丁及該管委署護軍校。領催。紅旗管隊。皆斬。一兵丁黃夜夢魘。旁人即行喚醒。如隨聲應和。擾及營伍者。八旗兵鞭七十。綠旗兵棍責六十。該管委署護軍校。領催。紅旗管隊。插箭遊營。臨敵營犯者。皆斬。一管守營門。縱人擅入者。八旗

兵鞭七十。綠旗兵棍責六十。臨敵時犯者斬。一
差往偵探之人。遇賊投誠不行稟報者。八旗兵
鞭七十。綠旗兵棍責六十。不將投誠人解送該
管官。以致復行逃散者。八旗兵鞭一百。綠旗兵
棍責八十。因而洩漏軍中虛實者。照洩漏軍機
例治罪。一大兵進勦敗賊後。不奉大將軍令擅
奪取車馬輜重者。插箭遊營。因而擾亂營伍者
斬。一倚強欺弱。酗酒為非。不遵約束。輕者鞭責
重者插箭。一營內所挖井泉。不許污穢。其飲馬
泉水。不許馬匹踐踏。違者八旗兵鞭一百。綠旗
兵棍責八十。一支領口糧。混行拋棄狼籍者。八
旗兵鞭一百。綠旗兵棍責八十。該管委署護軍
校。領催。紅旗管隊。不呈報者插箭。一兵行不按
隊伍。左右參差混行。以致踐踏路旁好草者。八

旗兵鞭一百。綠旗兵棍責八十。劄營時收放馬
駝牛羊。縱令蹂躪者。八旗兵鞭一百。綠旗兵棍
責八十。仍插箭遊營。該管官插箭。一兵丁押運
軍糧。在途私竊升合。或竊同行兵丁口糧。及損
傷盛米布袋致多虧折者。八旗兵鞭一百。綠旗
兵棍責八十。一撒袋腰刀皮繩。不行收拾牢固
以致遺失。並應帶器械不隨身攜帶者。八旗兵
鞭一百。綠旗兵棍責八十。該管委署護軍校。領
催。鞭四十。紅旗管隊棍責三十。護軍校。驍騎校
千總。把總插箭。一兵丁路見刀箭等物。即行拾
取。稟明該管官。查問給還。如見物不拾。並拾取
不行給還者。八旗兵鞭四十。綠旗兵棍責三十。
仍插箭遊營。一並無緊急事件私行馳馬者。八
旗兵鞭五十。綠旗兵棍責四十。一兵行各按隊

伍行走。後隊不得越過前隊。違者八旗兵鞭五十。綠旗兵棍責四十。仍插箭遊營。一劄營後各帳房內出一人看藍旗出則取薪。黑旗出則取水。有便溺者。守門官兵驗明照牌。准其出入。起更後非奉差不准出營。違者八旗兵鞭四十。綠旗兵棍責三十。該管委署護軍校。領催。紅旗管隊。不嚴行約束者。插箭。一夜傳軍令。怠慢不遵。及巡查坐堆。偷安眠睡。以致誤更曠班者。八旗兵鞭一百。綠旗兵棍責八十。管隊不行查報者。八旗兵鞭五十。綠旗兵棍責四十。臨陣時犯者。斬。一兵丁在該管官前妄行動作。驕慢無禮者。耳鼻插箭遊營。一所帶火藥。不加謹收貯。以致潮濕不能著火。及攜帶行走時玩忽拋撒。并應用時任意糜費者。八旗兵鞭五十。綠旗兵棍責

四十。該管紅旗管隊插箭遊營。如有遺失火藥者。八旗兵鞭一百。綠旗兵棍責八十。該管委署護軍校。領催。紅旗管隊。插雙箭遊營。一鉛彈務按鎗口大小。如式製造。如鉛彈不合鎗口。係平日演放查出。八旗兵鞭五十。綠旗兵棍責四十。仍插箭遊營。該管護軍校。領催。紅旗管隊。插箭遊營。護軍校。驍騎校。千總。把總。插箭。臨陣時將不合鎗口鉛彈濫用者。兵丁立斬。該管委署護軍校。領催。鞭一百。紅旗管隊棍責一百。護軍校。驍騎校。千總。把總。插箭遊營。營總。叅領。叅將。守備。記大過一次。一馬駝牲畜。不遵照傳檄。如法弔臆。乘時收放者。八旗兵鞭一百。綠旗兵棍責八十。該管護軍校。驍騎校。委署護軍校。領催。守備。千總。把總。插箭。一沿途所遇井泉。飲馬時挨

次往飲。毋許爭先壅塞。有故意違犯踐踏污穢者。八旗兵鞭一百。綠旗兵棍責八十。乾隆十三年。遵旨議定三條宣示將帥。一統兵將帥玩視軍務。苟圖安逸。故意遷延。不將實在情形具奏。貽誤國事者。斬立決。一將帥因私忿媚嫉。推諉牽制。以致糜餉老師。貽誤軍機者。斬立決。一身為主帥。不能克敵。傳布流言。搖惑衆心。藉以傾陷他人。致誤軍機者。斬立決。四十九年。命軍機大臣會同兵部。擇取行軍紀律緊要者。頒發各營為軍令十條。一兵丁隨征勦賊。俱應奮勇直前。其見賊退走者。不過各惜身命。心懷畏怯。試思臨陣退走。律應斬首示衆。若能殺賊立功。必蒙陞賞。即或陣亡。國家自有卹典。子孫俱得邀恩。兵丁等與其臨陣畏

蕙難逃。國法何如。爭先殺賊。奮不顧身。况勇往向前。未必即死。一經退後。斷不得生。此理甚明。該管將備等。平時將此諄切告誡。務令兵丁等咸知大義。臨陣時自必勇氣百倍。可期殺賊立功。一鳥鎗弓箭。最為行軍利器。若臨陣時尚未見賊。遽將鎗箭施放。及至交戰。火藥箭枝俱已用完。無以禦敵。即同束手待斃。關係甚重。凡領兵將備。平日務須時加講習。令兵丁於臨陣遇賊。鎗箭可及之地。不先不後。一齊施放。庶隨聲應手。皆獲實用。一行軍攜帶軍裝火藥。俱在帳房收貯。毋令潮濕。即或途中遇雨。亦須嚴密遮護。庶遇賊緩急可用。凡帶兵將備等。須嚴加曉諭。勿致潮濕。或需烘烤。以致臨時貽誤。至弓箭鎗刀等項。平時尤須修整堅利。不得廢弛。一

臨陣對敵。倘遇將領受傷。隨從兵丁。更當奮勇直前。竭力救護。若兵不顧將。各惜身命。觀望退阻。最為惡習。亟應申明軍紀。俾眾知悉。凡有將領受傷。兵丁不即時救護。竟至潰敗。脫逃者。立即查明。按名處斬。其能奮勇保護者。立即議功。優賞。以示鼓勵。該管將備等。平日尤當愛卹士卒。臨時賞罰公平。庶兵將同心合力。所向無敵。一兵丁對敵。乘勝追趕。刻不容遲。若貪搶賊人遺棄財物。以致賊眾逃遁。貽誤不小。該將備等於領兵臨陣時。務須通行曉諭。違者立即依律治罪。庶兵丁等各知敬畏。一營卡最關緊要。凡領兵將備等。務須嚴飭坐卡兵丁。輪班防守。留心偵探。毋得怠惰偷安。即探察有事。只須選派明幹一二人。密行飛稟。餘仍嚴守坐卡。毋許輕

動無事時。不許高聲叫喊。致亂營規。違者俱照軍法處治。一兵丁遇有調撥。當恪守軍令。即時進行。如敢騷擾地方。欺壓良民。蹂躪田禾。搶掠財物。即應按律從重治罪。該管將備等。平日加意教誡。臨時尤當嚴行約束。無許違犯。一兵丁奮勇殺賊。應予獎賞。但恐希圖冒功。任意朦混。不可不豫為防範。凡軍法將他人戰功。冒為己功。及謊稱實在効力。將無作有。以輕報重者。斬。該管將備等。應隨時曉諭。親自稽查。俾立功者得賞。冒功者治罪。以期覈實。一行軍馬駝。最宜愛惜。凡兵丁等。牧放須揀擇水草。吊臆須按照時候。遇有疲乏。加意調養。夜間尤宜小心看守。遇有遺失。須立時尋獲。所挖井泉。不許污穢。飲馬各挨次序。毋許爭先。以致壅塞。如有違犯。立

即重懲不貸。一劄營後巡邏防守。毋得疎懈。夜間不許無故行走。帳房內更須小心火燭。遇有警報。靜聽將令。不得輕舉妄動。若奉有密令。須各自遵守。毋得私相漏洩。該領兵將備等。尤宜申明號令。隨時曉諭。不得疎懈。五十二年復增定軍令一條。一用命者賞。不用命者戮。而臨陣之時。賞罰尤貴嚴明。若有兵丁恇怯。畏賊退縮者。領兵大員。立時誅戮數人。其餘弁兵。知所畏憚。不惟不敢退縮。轉可奮勇爭先。

皇帝親征。既戒。乃陳將士。頒行軍律令焉。

○設營汛墩堡以控制險要。令各分兵而守之。

各省督撫提鎮所轄標下兵。曰訓練兵。其兼轄之城守分防各營。皆分領汛地。遇沿邊沿海沿

江處所及大道之旁。皆按段置立墩堡。分駐弁兵。是為差防兵。若巡洋。盛京所屬海

汛。自金州之鐵山至菊花島等處。由該將軍撥水師營官兵巡哨。山東所屬海汛。自隍城島至

直隸交界武定營等處。又自成山八家口至江南交界安東營等處。由登州鎮撥水師營官兵

巡哨。其金州鐵山與山東隍城島。中隔一百八十餘里。並無泊船之所。自鐵山起九十里內。令

盛京官兵巡哨。隍城島起九十里內。令山東官兵巡哨。盛京水師。每年於五月內出洋。十

月內回哨。山東登州水師。每年於三月內出洋。九月內回哨。江南廣東福建浙江官兵巡洋。皆

分班輪巡。江南以三月為一班。廣東以六月為一班。福建自二月至五月為上班。六月至九月為下班。十月至次年正月。按雙單月輪班。浙江二月至九月。以兩月為一班。十月至次年正月。以一月為一班。其各鎮會哨。福建海壇鎮。與金門鎮會哨於涵頭港。又與浙江温州鎮會哨於鎮下關。金門鎮。又與南澳鎮會哨於銅山大澳。浙江定海鎮。與江南蘇松鎮會哨於大洋山。又與黃巖鎮會哨於九龍港。黃巖鎮。又與温州鎮會哨於沙角山。廣東洋面。區分五路。各設上下兩班。東上路。上班澄海協副將。下班南澳鎮總兵。均至甲子洋面。與東下路兵船會哨。東下路上班平海營參將。下班碣石鎮總兵。均至甲子洋面。與東上路兵船會哨。碣石鎮。又至大鵬佛

堂門洋面。與中路兵船會哨。中路上班香山協副將。至黃茅洲洋面。與西上路兵船會哨。下班大鵬營參將。至佛堂門洋面。與東下路兵船會哨。又至黃茅洲洋面。與西上路兵船會哨。西上路。上班陽江鎮總兵。下班陽江鎮中軍遊擊。均至黃茅洲洋面。與中路兵船會哨。又至碣洲洋面。與西下路兵船會哨。西下路上班海口協副將。下班瓊州鎮總兵。均至濶洲洋面。與龍門協兵船會哨。又至碣洲洋面。與西上路兵船會哨。其西上路。東海地方亦分上下兩班。令碣洲吳川。東山三營官兵。專巡東海碣洲廣州灣一帶洋面。毋庸隨統巡官往他處會哨。西下路龍門協亦分上下兩班。均至濶洲洋面。與西下路兵船會哨。又巡至白龍尾。與夷洋交界。無由會哨。

責成欽州文武官稟報。並令瓊州鎮不時稽查。各路兵船統歸水師提督督巡。仍令春秋二季親往東西兩路分查。各省沿海水師出洋巡哨。俱以總兵為統巡。副將參將遊擊為總巡。都司守備為分巡。千總把總為協巡。總兵遇有事故。准以副將代。或副將亦有事故。偶以參將代。不准以遊擊都司代。統巡都司守備代。總巡千總把總代。分巡盛京水師由該將軍派三品官一人為總巡。四五品官三四人為協巡。山東登州水師營員較少。不能按照總巡分巡名目輪派。南汛以千總把總為專汛。以膠州遊擊為兼轄。北汛以千總把總為專汛。以登州守備為兼轄。東汛以把總為專汛。以成山守備為兼轄。俱以該總兵為統巡。巡洋官由統巡總兵按季輪

派。造冊送部。並移送總督巡撫提督查覈。如遇有事故。應行派員更換者。亦隨時報明。如

巡江

長江自四川巫山而東。出三江口至湖廣界。過岳州武昌興國至江西界。下九江南

昌至江南界。經安慶江寧京口狼山東至於海。江南江西沿江各營汛。上下巡緝。每月彼此會哨二次。對換令箭為憑。又每月狼山鎮派員東巡。至廖角嘴。西巡至京口。京口官兵東巡。至狼山。西巡至江寧。江寧將軍派員東巡。至京口。江南總督派員西巡。至安慶。安徽巡撫派員東巡。至江寧。西巡至江西交界。江西九江鎮。南昌協各派員巡至江南交界。九江營派員巡至湖廣交界。湖廣興國道士汛二營。東巡至江西交界。西巡與武昌營會哨。武昌營與岳州營會哨。施

州營東與岳州營會哨。西巡至四川交界。所到日期。俱報明總督。巡撫提督總兵查考。廣東內河水師。按季輪派官兵遊巡。並令水師提督於夏冬二季。親往遊巡。其餘各省巨川中流險要之處。一例撥若巡山。陝西省每年十月。固原提督。派官兵巡哨。若巡山。督巡查山內邊界一次。每年二月。陝安鎮巡查一次。四川省每年十月。令川北重慶二鎮。輪年巡查一次。每年二月。令綏定夔州二協。與陝安鎮同時巡查。至交界處會哨。四川提督。俟川北重慶二鎮各巡哨一次後。再依期親往。則各連營以會哨。巡哨一次。

○凡官民出邊者。皆達以票。

八旗官兵閒散出邊。由該旗咨部給

票。蒙古由理藩院咨部給票。漢現任京職。由本衙門覈明。移咨兵部給票。候補候選人員。取同鄉京官印結。呈明兵部給票。關口附近居民探親。由本州縣給票。商民由原籍地方給票。他處貿易者。於貿易地方給票。附近村民往來貿易。每年給印票一次。常川照驗。內地喇嘛。及往蒙古部落。並庫倫。恰克圖。烏里雅蘇台等處之商人。在歸化城出口者。令該同知驗明。報歸化城副都統給票。由張家口行走者。令張家口同知驗明。報察哈爾都統給票。東三省人來京。由該地方大臣官員給票。來京買人者。呈該將軍等咨部。由部覈明所買人數。於票內註明。仍行文山海關副都統。照數查覈。旗人商民。進威遠堡法庫等處邊門者。呈明該管官給票。其遊方喇

麻。及孤身蒙古民人。不許擅給路票。令其出口。山海關。喜峯口。冷口。禁止攜眷民人出口。山東登萊青等處海口。及熱河朝陽建昌等縣邊門。通飭查禁。公主格格等差太監請安。及他

事進口出口者。在外呈明扎薩克給與印文。在京報明理藩院咨部給票。王公福晉等差太監請安者。報明該旗咨部給票。如太監私逃出口。將守口官議處。其各省關口邊隘。俱令該

管官查明照票方准出入。守口官驗而出納之。以報部而覈

焉。看守關口官員。於出口人等按名驗票。查對年貌籍貫。註冊放行。每季將放過人數。造冊送部查覈。關口鎖鑰。責成旗員專管。原票即在關繳銷。不許仍交本人收執。在口外出兵屯種

坐臺人員遣人進京者。呈明該將軍及該管官給照赴口。守口官驗票放行。歲底造冊報部。其餘進關民人。無論有無票據。概准放行。頌其關

惟當嚴密稽查。勿致東三省逃遣混入。頒其關禁。軍器。硝。硫。黃。牛角。銅。鐵。諸違禁之物。毋許私

出關口。其文武官員出差赴任歸旗。及兵役因公差遣。如有攜帶弓箭刀槍等項軍器防護者。在京由兵部給票。在外取地方官。及該差遣

上司印票。沿途照驗。蒙古進口。查明軍器記檔。出口時有多帶者。不准放出。各扎薩克等欲進

內置備軍器者。開明數目。呈報理藩院。多者具奏請旨。少者咨部給票。該守口官驗明放行。數目不符者禁。私相買賣者禁。青海蒙古造補弓箭軍械。由扎薩克呈報辦理。青海事務大

臣具奏請旨置買鐵鍋鐵鐮鐵杓犁頭並鞍轡所用之鐵什件均報明查覈給票聽其出口。玉樹等處准其置買鍋犁其餘鐵器一概禁止。雲南馬白稅口黑鉛不許販運出口。商賈運販糟麩過關口者並行查禁。朝鮮國人私帶違禁之物出口守口官搜獲報部移交禮部查議。山海關盛京吉林產人參東珠之地各設巡蹤官兵巡緝盜採者禁。凡旗人出

京者皆達以引。

八旗官兵閒散出京至外州縣及外省者由該旗咨部給與路

引。文職官由該衙門咨明吏部轉咨到部給與路引。

○凡海禁有島嶼之禁。

海濱居民不得潛住島嶼招聚耕墾致藏奸匪。

其零星漁戶搭寮暫住者聽仍令沿海及巡洋員弁嚴加稽察。年終將有無增添專摺奏

聞。臺灣南路北路一帶山口生番熟番分界勒石。界以外聽生番採捕。民人越界墾地搭寮抽藤吊鹿者禁。臺灣武職各官不得託名開墾。自置莊田。侵占民番產業。有船桅之

禁。出海商漁各船均由地方官查取船戶族里保結。許其製造。完日驗明給照。商船許用雙

桅。梁頭不得過一丈八尺。如所報梁頭一丈八尺。而連兩艘水溝統算有三丈寬者。許用舵水八十人。梁頭一丈六七尺。而連兩艘水溝統算有二丈七八尺者。許用舵水七十人。梁頭一丈四五尺。而連兩艘水溝統算有二丈五六尺者。許用舵水六十人。福建漁船之桅聽其用雙用

單。各省漁船止許單桅。梁頭均不得過一丈。舵水不得過二十人。廣東漁船。梁頭不得過五尺。水手不得過五人。帆檣編號。依船照原編字號書寫。帆上大書某省某府州縣某字號某船戶姓名。用黑白顏色。飾以桐油。并大書深刻於船檣兩舷。商船准用頭巾插花。並所豎桅尖。漁船概行禁止。沿海各色小船。均報明地方官。取具保結。烙號給照。沿海渡船亦如之。私造者禁。有底無蓋剝船。一體報官烙號給照。西洋人附居廣東澳門。大小船二十五隻。由地方官編號烙印。給與驗票。不許再行添置。奉天各屬海岸船隻。以三丈二尺為限。祇准安用單桅。不蓋蒙板。仍照例烙號。不遵定式。有商漁之禁。直隸山東者。照違。制例治罪。江南浙江

福建廣東等省民人。許令海上貿易。江南浙江福建廣東商民。許往東洋南洋貿易。各於沿海州縣領給照票。填明籍貫年貌。係往何處。於出口入口時。呈守口官查驗。福建廣東商船出洋。均令營員押送。俟其放洋。方許回汛。漁船不許出本省界內。欲出洋者。取具十船連環保結。出口時。將該船前往何處及舵水人數。填照登號。准其出入。商船換領漁照者。取具保結互結。准其出海捕魚。過期不歸。查訊治罪。沿海小船。就近汛口掛號。進口愆期者。取結存案。江南小羊山無照民人。海口員弁嚴行查禁。內地民人給照往臺灣者。由廈門驗照。准其出口。流寓臺灣願回籍者。由鹿耳門驗戳掛號放行。奉天洋面商船。令赴旅順口水師營掛號。粘貼印花。無

者不准入口。外省民人往奉天貿易及由奉天往別省者。船隻出入均由坐卡官驗票放行。傭工、人等亦給有**有器物之禁**。內洋商船及漁樵印票。方准航海。船隻概不許配帶。

礮械。出販東洋南洋大船。准其酌帶軍器。每船礮不得過二位。鳥鎗不得過八桿。腰刀不得過十把。弓箭不得過十副。火藥不得過三十斤。廣東廣州廉州肇慶三府餉渡船隻。照出洋商船之例。酌給鳥鎗四桿。每次酌給火藥三斤。凡鎗礮俱報官給票。赴官局製造。完日由地方官親驗。鑿名編號。腰刀弓箭火藥等項。同牙行製造。完日報官查點。俱於執照內註明。回日依數點驗。有沉失者。於所在地方官報明。取同船人結狀呈繳備案。有將外夷銅礮帶回者。地方官給

與時價收買。以充鼓鑄。硝。硫黃。銅。鐵。頭蠶湖絲。毋許私載出洋貨賣。鐵鍋除每日煮飯之鍋外。亦嚴禁出洋。食米計人定數。多帶及帶麥豆雜糧者並禁。釘油灰麻等物。酌量攜帶。足備船用。而止。均於執照內註明。以備查覈。其內地商民。領照往暹羅等國運回米石者。按數議敘。各省洋船有將硫黃運回者。准其壓帶呈繳。隨時收買。**凡官兵之攘奪者不救**

生者。抑勒縱匿者均罪焉。商船在洋遭風著淺。該汛弁兵不急為救

護。反搶取財物。拆毀船隻。以致商人斃命。或救獲人命。因而奪財。或飄來空船。乾沒貨物。或因不許搶取財物。坐視不救者。各按所犯輕重治罪。抑勒賄縱隱匿者。並論如法。其有實力拯救

不貪財利者守備千總加級紀錄把總及汛兵
記功陞拔倘因救護受傷被溺照因公差委受
傷被溺
例給卹

兵部
印

